

須溪精選陸放翁詩上



須溪精選陸放翁詩集目錄

放翁陸

游

務觀

撰

須溪劉

辰翁會孟

選

卷之一

古詩

舟中對酒

漁翁

泊公安縣

游合江園戲題

題醉中所作草書卷後

晚過五門

春愁

梅花

偶過浣花舊游見前集

和范舍人永康青城道中作

完

豐橋旅舍作

大風登城

昨諸葛武侯書臺

冬夜聞鴈有感

夏夜不寐

八月十四夜三义市觀月

大雪歌

過笮橋道中龍祠小留

玻黎江

前有樽酒行

卷之二

古詩

成都行

銅雀妓

春愁曲

十月九日與客飲

得韓無咎書驛中所作小闕

曉歎

苦筍

同何元立賞荷花

秋聲

觀小孤圖

飲酒

龍眠畫馬

眉州郡燕醉出城宿石佛寺

樓上醉歌

弋陽縣江上

步虛

草書歌

短歌行

夜聞湖中漁歌

石首縣雨中繫舟短歌

陶山遇雪庵主見招不果赴

卷之三

古詩

明詞篇

飲酒近村

送三兄赴奏邸

題少陵畫像

東吳女兒曲

古離別

滄灘

蹋蹟

岳池農家

夜登江樓

卷之四

對酒

黃山塔

吳娘曲

荊州歌

荒草曲

夜聞松聲有感

瞿塘歌

風雨均望峽口諸山奇甚

驛路海棠已過有感

東山

古詩

西郊尋梅

山南行

羅翹峽江小酌

風月

對酒

寒夜遣懷

月夕

醉中懷眉山舊游

舟中聞姑惡

五鼓自笑橋入府

綿州錄參軍廳觀楚公畫鷹

龍樹

雙清堂夜賦

游東都趙氏園

郊飲村酒大醉

長門怨

次韻何元立贈行

南軒

歲莫

古意

卷之五

古詩

衡門感舊

種桑

離家示妻子

夏夜

月夕

夜聞槽聲

對酒

夜讀兵書

朱子雲園中觀花

酒無獨飲理

青山白雲歌

聞婆餅焦

七言八句

初發夷陵

春殘

登子城新樓遍至西園池亭

感秋

早起至江原

絕勝亭

謁凌雲大像

得梅一枝戲成

宿杜氏莊晨起遇雨

西樓夕望

上元

吳體寄張季良

醉中登避暑臺

自述

雨夜

秋雨

舟中曉賦

寄子虛子遵

卷之六

七言八句

恩除秘書監

醉中夜自村市歸

病起

臨安雨晴

初寒

馬上

黃州

哀郢

水亭有懷

江上

聞猿

南鄭馬上

夜抵段胡惠照寺寓榻小閣

歸次漢中境上 赴成都泛舟

七月一日夜坐舍北水涯

新秋感事 風雨中過龍洞閣

獨游城西諸僧舍 過野人家

晚興 茅華樓夜飲

秋思

醉中出西門

月下

書懷

舜廟懷古

卷之七

七言四句

簫筆驛

小雨極涼舟中睡至夕

冬夜聽雨戲作

又

寺樓月夜醉中

觀華嚴閣僧齋

讀書

雜詠二首

夜坐

文君井

記夢

江上尋梅

看梅歸馬上

迎詔書

見螢

秋夜池上作

花時遍遊諸園

又

春晚感事

梅

沈園二首

白樂天詩倦倚綉床愁不動緩垂綠髮鬢

抵遼陽春盡無消息夜合花前日又西好  
事者盡為倦綉圖此花以五六月間開山

中人殊不貴之

鷺

湖村月夕

軍中雜歌三首

無題

看梅

又

次韻魯山新居

宿楓橋

重陽

霽夜觀月

卷之八

七言四句

仙魚鋪得仲高書

追憶征西幙中事

夢中作

天竺曉行

示兒

吳娃曲

又

又

又

過江至蕭山縣驛東軒海棠已謝

感舊三首

過杜浦橋

舟中感懷呈大傅相公兼簡岳大用郎中二首  
飲張功父園戲題扇上

春晚

即事

園中

冬夜聞角聲

何家客亭

荔枝棧小酌

老君洞

仙遊閣

來蓮

五言八句

舟上夜坐

欲行雨未止

池亭夜坐

小舟過吉澤効王右丞

雪霽過千秋觀

晨起

幽居

聞角

寄楊濟伯

小雨

寄張真父舍人

送仲高兄官學秩滿赴行在

夜夢從數客雨中載酒游長安

統分稻晚歸

題江陵村店壁

移船

鹿門閑過龐士元祠

上元前一日

五言四句

早梅

病中

採菊



須溪精選陸放翁詩集目錄

後集

須溪精選陸放翁詩集卷之一

後集

放翁

陸

游

務觀

撰

須溪

劉

石翁

會孟

選

古詩

舟中對酒

百虛載酒游凌雲醉中揮袖別故人依依向我不忍  
別誰知峨眉眉半輪月月窺船牕出淒冷欲別渝州酒  
初醒江空裊々釣絲風人靜翩々鳧巾影哦詩不睡  
月滿船清寒入骨我欲仙人間更漏不到處時有沙  
禽背船去

漁翁



晚過五門

五門路四月乳鴉啼綠樹閑遊但喜日初長薄暮始知春已去接頭風高舞雙旗畫角聲中日還暮馬蹄未之無斷時老盡行人路如故

春愁

春愁茫茫塞天地我行未到愁先至滿眼如雲忽復生尋人似壘何由避客中勸我飛觥壽我笑謂客君罷休醉自醉倒愁自愁與酒如風馬牛

梅花

冰崖雪谷木未芽造物破荒開此花神全形枯近有道意在色正知無邪高堅政要飽憂患放棄何處愁

荒遐移根上苑亦過計竹籬茅舍真吾家平生自嫌亦自許妙處可識不可誇金尊翠杓未免俗篝火為試江南茶講竹

和范舍人永康青城道中作

風驅雨壓無浮埃驟驛千騎東方來驛音濼又音類

駟蚊哥勝游公自輩王謝淨杜我亦追宗雷岷山樓

上一倚徙如地始闢天初開廓然眼界三萬里山一

蠟埽水一杯蠟埽音蠟埽馳如世間幻妄幾變滅政

自不滿吾曹哈丈夫本願布衣老達士詎畏蒼顏催

君看神后歲食羊四方慮棄骨高成堆西山老翁

酌松麪造物賦予何遼哉批老境

浣溪女

江頭女兒雙髻丫常隨阿母供桑麻當戶夜織聲咿  
啞地爐豆豉煎土茶羹也又音皆長成嫁與東西家  
柴門相對不上車青裙竹笥何所嗟挿髻燻々牽牛  
花城中妖姝臉如霞姝好也爭嫁官中慕豪華青驪  
一出天之涯年々傷春抱琵琶

八月十四夜三义市觀月

去年看月籌邊接雲罇微光如玉鈎主人不樂客歎  
息清歌空送黃金舟今年看月三义市織雲不作良  
宵崇素娥命駕掃客愁我亦傾杯邀共醉風露萬里  
方渺然水輪無轍行碧天盈々耿々意無盡月不忍  
落人忘眠一言欲報廣寒殿茅簷華屋均相見明年  
萬事不足論但願月滿人長健

豐橋旅舍作

我是山林人心期在塵表出門消底物兩齋萬事了  
鬪鬪群兒何足愠為爾常情々今朝山中路更喜相  
識少三义市人醉爭席豐橋逆旅留饋食小婦髻鬟  
高一尺後聲軋々當戶織批有句與之能言又有季

大雪歌

長安城中三日雪潼關道上行入絕黃河鐵牛僵不  
動承露金盤凍欲折虬髯豪客孤白裘夜來醉眠寶  
釵撲五更未醒已上馬衝雪却作南山遊千年老虎

攔不得一箭橫穿雲霄赤拏空爭死作牛吼  
撼動山村裂崖石曳歸擁路千人觀  
骸骨作枕皮象鞍音也騾音人  
間壯士有如此胡不求歸漢天子  
無一可憐語

### 大風登城

風從北來不可當街市橫吹人馬僵  
西家女兒午未粧帳裏爐紅愁下床  
東家喚客宴畫堂兩行玉指調  
絲簧錦繡四合如垣墻微風不動金  
猊香我獨登城望大荒  
勇欲爲國平河湟材疎志大不自量  
西家京家笑我狂龍說解

### 過梓橋道中龍祠小留作竹索也

江邊龍祠何年作白浪花中插朱閣  
朝暎漸上宿霧收喜氣已動晨霜薄  
我來倚闌一悵然落花病空如柳綿  
安得身爲雙白鷺飛上灘頭却飛去

### 游諸葛武侯書臺

沔陽道中草離々卧龍老矣空遺祠  
當時典午稱猾賊氣喪不敢當  
王師定軍山前寒食路至今人問丞  
相墓松風想像梁父吟尚憶幡然答  
三顧出師一表千載無遠比  
管樂蓋有餘世上俗儒寧辨此  
高臺當日讀何書此書臺有句

### 玻璃江眉州共飲亭

玻璃江水千丈深不如江上離人心  
君行未過青衣

縣妾心先到峨眉陰金尊共醕不知曉月落烟渚天  
橫參車輪無角留不住馬蹄不方何處尋批有語空  
憑尺素寄幽恨縱有綠綺誰知音愁來只欲掩屏睡  
無柰夢斷聞疎砧

冬夜聞鴈有感

從軍昔戍南山邊傳烽直照東駱谷軍中罷戰壯士  
閑細草平郊恣馳逐洮州駿馬金絡頭梁州毬場日  
打毬玉盃傳酒和鹿血女真降虜彈箜篌大呼拔幟  
思野戰殺氣當年赤浮面南游巴蜀已低摧猶據胡  
來飛白箭豈知蹭蹬還江邊病臂不復能開弦夜聞  
鴈聲起嘆息來時應過桑乾磧

前有樽酒行

虛堂雨過生涼颺音司勸君一醉君勿辭去年不  
知今年事明年萬事今得知舊時扶床同戲兒還鄉  
問訊令人悲冢丘纍纍在者誰紙錢雨濕抱樹枝君  
去六十有幾時更望七十何其癡求師學道亦已遲  
謝客努力從鷓夷

夏夜不寐

急雨初過天宇濕大星磊落繞數十飢鶻掠簷聲磔  
磔冷螢墮水光熠々熠音火丈夫無成忽老大箭  
羽凋零劒鋒澁徘徊欲睡復起行三更自凭闌干立

須溪精選陸放翁詩集卷之一

后集

須溪精選陸放翁詩集卷之二

後集

古詩

成都行

倚錦瑟擊玉壺吳中狂士游成都  
成都海棠十萬株繁華盛麗天下無  
青絲金絡白雪駒日斜馳道迎名  
姝臙脂褪盡見玉膚綠鬟半脫嬌  
不梳吳綾便面對客書斜行小字  
密復疎墨君秀潤瘦不枯風被雨  
葉蕭々殊月浸羅襪清夜徂滿身  
花影醉索扶東來此歡墮空虛坐  
悲新霜點鬢鬚易求合浦千斛珠  
難覓錦江雙鯉魚

此此歸越後作也

十月九日與客飲忽記去年此時自錦屏歸

山南道中小獵今又將去此矣

去年縱獵韓壇側玉鞭自探南山雪今年痛飲蜀江  
邊金杯却吸峨眉月竹枝歌舞新教成婁京傳得三  
巴聲城頭築觀出雲雨峨眉正與闌干平酒酣詩就  
擲盃去醉踏玻璃江上路懸知幽澗斷橋邊已有梅  
花開滿樹

銅雀妓

武王在時教歌舞那知淚洒西陵土君已去兮妾獨  
生之何樂兮死何苦亦知從死非君意偷生自是慚  
天地長夜昏之死實難孰知妾死心所安能解  
得韓無咎書寄使虜時宴東都驛中所作小詞

大梁二月杏花開錦衣公子乘傳來桐陰滿第歸不  
得金轡玲瓏上源驛上源驛中槌畫鼓漢使作客胡  
作主舞女不記宣和粧廬兒盡能女真語書來寄我  
宴時詞歸鬢知添幾縷絲有志未須深感慨築城會  
據拂雲祠唐中受降城在拂雲祠

春愁曲

伏羲三十餘萬歲春愁歲之常相似外大瀛海環九  
州無有一州無此愁我願無愁但歡樂朱顏綠鬢常  
如昨金丹九轉徒可聞玉兔千年空搗藥蜀姬雙鬢  
姹姪嬌醉看恐是海棠妖世間無處無愁曲底事難  
過萬里橋語韻流見



曉歎

一鴉飛鳴牕已白推枕欲起先歎息翠華東巡五十  
年赤縣神州滿戎狄主憂臣辱古所云世間有粟吾  
得食少年論兵實狂妄諫官劾奏當竄殛不為孤囚  
死嶺海君恩如天宣終極容身有祿媿滿顏滅賊無  
期淚橫臆未聞含桃薦宗廟烟齡驢似舍註至今  
銅駝沒荆棘幽并從來多烈士悒々可令長失職王  
師入秦駐一月傳檄足定河南北安得揚鞭出散關  
下令一變旌旗色誌是翁能言

苦筭

藜藿盤中忽眼明駢頭脫襁白玉嬰極知耿介種性

別苦節乃與生俱生我見魏徵殊媚嫵約束兒童勿  
多取人才自古要養成放使干霄戰風雨峒得

同何元立賞荷花懷鏡湖舊游

少壯欺酒氣吐虹一笑未了千觴空涼臺下簾人似  
玉月色冷々透湘竹三更畫船穿藕花々為四壁船  
為家不須更踏花底藕但嗅花香已無酒花深不見  
畫船行天風空吹白紵聲雙漿歸來弄湖水往々湖  
邊人已起即今憔悴不堪論賴有何即共此尊紅綠  
踈々君勿歎漢嘉去歲無荷看此直有秋氣

秋聲

人言悲秋難為情我喜枕上聞秋聲快鷹下講瓜甬

健鷹鷂也壯士撫劍精神生我亦奮迅起衰病唾  
手便有擒胡興弦開鴈落詩已成筆力未饒弓力勁  
五原草枯首啗空青海蕭々風捲蓬草罷捷書重上  
馬却從塞駕下遼東和龍驤得

觀小孤山圖

江平風不生鏡面渺千里舸舫萬斛舟遠望一點耳  
大孤江中央四面峭挿水小孤特奇麗丹翠凌雲起  
重樓邃殿神所家帳中美人紫如花遊人何徒闌干  
處俊鷗橫江東北去妙

飲酒

陸生學道欠力量曾次未能和益々日年自笑足悲

歡萬事聊須付酣暢有時堆阜起崢嶸大呼索酒澆  
使平世間豈無道師與禪老不如閉門參麴生朋舊  
年來散如水唯有鑄杓同生死一日不見令人愁晝  
夜共處終無尤世言有毒在麴蘖腐脇穿腸凝血脉  
人生適意即爲之醉死愁生君自擇貼得美暢

龍眠畫馬

國家一從失西陸年々買馬西南夷瘴鄉所產非權  
奇邊頭歲入幾番皮崔嵬瘦骨帶火印雖立欲不禁  
風吹圍人大僕空列位龍媒汗血來何時李公太平  
官京師立仗慣見渥洼姿斷縑歲久墨色暗逸氣尚  
若不可羈賞奇好古自一癖感事憂國空餘悲嗚呼

安得毛骨若此三千疋  
嚼枚夜渡桑乾磧一談便了

眉州郡譙大醉中間道馳出城宿石佛寺

玻璃春作江水清紫玉蕭如雛鳳鳴  
漏聲不聞看燈燭俠氣未減欺飛觥  
單車萬里信有數二年三過寧忘情  
釵頭玉茗妙天下瓊花一樹真虛名  
酒酣忽作檀公策間道絕出東關  
城清歌未斷去已遠回首城堞空  
崢嶸貂裘狐帽醉走馬陌上應有行人驚  
徑投野寺睡正美魚鼓忽報江天明  
無繁無要寫得活動

樓上醉歌

我游四方不得意陽狂施藥成都市  
醜嫻便大瓢滿貯隨所求聊爲疫民起  
憔悴瓢空夜靜上高樓買酒

捲簾邀月醉々中拂劍光射月往々  
悲歌獨流涕刻却君山湘水平斫却  
桂樹月更明丈夫有志苦難成脩名未  
立華髮生真哀歌憔悴之音

弋陽縣江上

縣前奇哉一江水日暮風吹碧鱗起  
客恨征塵忽如洗不用金篦刮眸子  
丹楓岸邊雲色蘆下有老翁方捕魚  
欲求妙師貌畫圖王維鄭虔今世無

步虛

曩者過洛陽宮闕侵雲起今者過洛陽  
蕭然但荒壘銅駝卧深棘使我惻愴多  
可憐陌上人亦復笑且歌世事茫茫幾  
成敗万人看花身獨在北印秋風吹野

高古塚漸平新塚高

草書歌

傾家釀酒三千石閑愁万斛酒不敵今朝醉眼爛崖  
電提筆四顧天地窄忽然揮掃不自知風雲入懷天  
借力神龍戰野昏霧腥奇鬼摧山太陰黑此時驅盡  
胸中愁搥床大叫狂脫幘具牋蜀素不快人付與高  
堂三丈壁

短歌行

百年鼎鼎世共悲晨鍾暮鼓無休時碧挑紅杏易零  
落翠眉玉頰多別離涉江采菱風敗意登樓待月雲  
爲崇功名常畏誇讒興富貴每同衰病至人生可歎

十八九自古危機無妙手正令插翮上青雲不如得  
錢即沽酒

夜聞湖中漁歌

夢回一燈翳復明卧聞湖上漁歌聲嗚々乍低忽更  
起嫻々欲斷還微縈初隨缺月墮煙浦已和殘角吹  
江城悲傷似擊漸離筑忠憤如撫桓伊箏放臣万里  
憂國淚戍客白首懷鄉情峽猿失侶方獨宿沙鴈垂  
翅猶遐征巴巫竹枝短亭晚瀟湘欸乃孤舟橫世間  
此恨故相似使我百感何由平

石首縣雨中繫舟短歌

庚寅去吳西適楚秋晚孤舟泊江渚荒林月黑虎欲

行古道人稀鬼相語鬼語亦如人語悲楚國繁華非  
昔時章華臺前小家住茅屋兩滴秋風吹悲哉秦人  
真虎狼欺侮六國囚侯王亦知興廢古來有但恨不  
見秦先亡開牖醉汝一盃酒等爲亡國秦更醜驪山  
冢破已千年至今過者無傷憐批造奇更絕  
陶山遇雪蒼林迂庵主見招不果往赴  
山中大雪二尺強道邊虎跡如梳大衰翁畏虎復畏  
寒招喚不來公勿恠梨花開時好風日走馬尋公作  
寒食不須沽酒飲陶潛箭筈蕨芽如蜜甜

須溪精選陸放翁詩集卷之二

須溪精選陸放翁詩集卷之三

後集

古詩

明河篇

明河八月轉分明炯如素練西南傾年々歲々見河  
漢坊々曲々聞砧聲良人萬里事征行砧聲中有玉  
關情遙知鐵衣冷如水指點明河白髮生磧中草死  
駱駝鳴萬里却望長安城兒生總角爺未見歸心頓  
覺封侯輕漢家自古有夷狄付與窮荒何足惜只願  
無光太白低還家爲婦說征西

對酒

羨門安期何在哉河流上泝崑崙開白雲不與隱居

老孤鶴自下遼天來春江風物政閑美綠浦潮平拖  
初起暮吹長笛發巴陵曉掛高帆渡湘水世間萬變  
更故新會當太息摩銅人脫裘取酒藉芳草與子共  
醉壺中春

飲酒近村

放翁睡多少行立人扶往赴鄰里集痛飲山花插鬢  
紅醉歸荆棘沾衣濕紗巾一幅何翻々庭中弄影不  
肯眠莫欺此老今衰甚曾見高皇狩越年

黃山塔

風吹旗脚西南開掛帆槌鼓何快哉轉頭已失望夫  
石黃山孤塔迎人來黃山勸汝一杯酒送往迎來殊

耐久明年我作故鄉歸還對黃山一搔首

送三兄赴奏邸

兄年十七弟始生弟今白髮森千莖所期相就畢此  
世一搏濁酒得共傾往年雖窮猶半菽兩年糠竅苦  
不足書生志欲及天下貧賤不得收骨肉過悲復恐  
兄意傷忍涕不覺涕已滂早朝霜露戒衣薄願書此  
語懽或忘閉門病衰百無用日望兄歸有餘俸早從  
丞相乞湖州莫待異時思少游

吳娘曲

鏡奩蚕出千黑蟻釵梁梅小双青豆吳娘十四未知  
愁羅衣已覺傷春瘦閑尋女伴過西家閑草歸來日

未斜曉曉濛濛嬌欲閉隔簾微雨壓楊花

題少陵畫像

長安落葉紛可掃九陌北風吹馬倒杜公四十不成  
名袖裏空餘三賦草車聲馬聲喧客枕三百青銅市  
樓飲杯殘鬢冷正悲辛鬢春也仗內聞雞催賜錦

荊州歌

楚江鱗鱗綠如釀銜尾江邊繫朱舫東征打鼓掛高  
帆西上湯豬聯百丈伏波古廟占好風武昌白帝在  
眼中倚樓女兒笑迎客清歌未盡千觴空沙頭巷陌  
三千家煙雨冥冥開橘花峽人住多楚人少土鑄爭  
上菜羹黍

東吳女兒曲

東吳女兒語如鶯十三不肯學吹笙鏡奩初喜推蚕  
出惣眼已看雙繭成庭空日暖花自舞簾卷巢乾燕  
新乳阿弟貪書下學遲獨揀詩章教鸚鵡

芳草曲

蜀山深處遮孤驛缺甃傾垣芳草碧家在江南妻子  
病離鄉半歲無消息長安城門西去路細靄斜陽芳  
草暮尊前一曲渭城歌馬蹄萬里交河戍人生誤計  
覓封侯芳草愁人春復秋只願東行至滄海路窮草  
斷始無愁

古別離

孤城窮巷愁寂人美人停校夜歎息空園露濕荆棘  
枝荒蹊月照狐狸迹憶君去時兒在腹走如黃犢爺  
未識紫姑吉語元無憑况憑瓦兆占歸日嫁來不省  
出門前夢竟何由識酒泉粉綿磨鏡不忍照女子盛  
時無十年

夜聞松聲有感

清晨放船落星石大風吹帆如箭激回頭已失廬山  
雲却上吳城看落日夜深龍歸擘祠門入木數寸留  
瓜痕明朝就視心尚慄腥風卷地雷霆奔歸船買酒  
特自慰性命平生驚屢試固知神怒有定時波紋震  
作魚鱗細如今衰病卧林垞霜覆茶簷月滿庭松聲

驚破三更夢猶作當時風浪聽語好意足

滄灘

百夫正謹助鳴橈舟中對面不得語須臾人散寂無  
譁惟聞百丈轉兩車嘔々啞々車轉急舟人已在沙  
際立霧斂蘆村落照紅雨餘漁舍炊煙濕故鄉回首  
已千山上峽初經第一灘少年亦慕宦游樂投老方  
知行路難次第如見辭不費愁不

瞿塘歌

四月欲盡五月來峽中水漲何雄哉浪花高飛暑路  
雪灘石怒轉晴天雷千艘萬舸不敢過篙師土工心  
膽破人々陰拱待勢衰誰敢輕行犯奇禍一朝時去



不自由山腹空有沙痕留君不見陸子歲暮來夔州  
瞿塘峽水平如油臥人窮此恨人過此不到正坐着力

蹋磧

鬼門關外逢人日蹋磧千家萬家出竹枝慘戚雲不  
動劍氣聯翩日初夕行人十有八九瘦見慣何曾羞  
顧影江邊沽酒沙上臥峽口月出風吹醒人主未死  
信難知憔悴夔州生鬢絲何日盡船搖桂檝西湖却  
賦探春詩

風雨中望峽口諸山奇甚

白益赤甲天下雄拔地突兀摩蒼穹凜然猛士撫長  
劍空有豪氣無雍容不令氣象久停滯常恨天地無

全功今朝忽悟始嘆息妙處元在煙雨中大陰殺氣  
橫慘淡元化變態含空濛正如奇材遇事見平日乃  
與常人同安得朱樓高百尺看此疾雨吹橫風

岳池農家

春深農家耕未足原頭叱々兩黃犢泥融無塊水初  
渾雨細有痕秧正綠綠秧分時風日美時平未有差  
科起買花西舍喜成婚持酒東隣賀生子誰言農家  
不入時小姑畫得城中眉一雙素手無人識空村相  
喚看綠絲農家々々樂復樂不比市朝爭奪惡宦游  
所得能幾何我已三年廢東作

驛路海棠已過有感

淒涼古驛官道傍朱門沈沈春日長  
暄妍光景老海棠顛風吹花滿空  
廊物生憔悴固其常惜哉無與持  
一觴遊蜂戲蝶空自忙豈知美人  
在西廂我雖已老猶能狂竚立與  
爾悲容光盛時不遇誠可傷零落  
逢之更斷腸

夜登江樓

平生曾中無滯留曠然獨與造物游  
天風駕我周寓縣夜半忽過江邊樓  
前茫茫天地闊萬頃月浸空江秋  
雲堦無塵鸞鶴舞玉笛裂石魚龍  
愁肺肝澄徹納灑氣毛髮慄慄臨  
寒流世間回首真一夢誰能更念  
酬恩讎

東山

今日之集何佳哉入閨劇飲始此回  
登山正可小天下跨海何用尋蓬萊  
青天肯爲陸子見妍日似趣梅花  
開有酒如醅綠可愛一醉真欲空  
千壘醅酥鵝黃出隴右熊肪玉白  
黔南來勝也眼花耳熱不知夜但  
見銀燭高花摧京華故人死大半  
歡極往々潛生哀聊將豪縱壓幽  
患鼓吹動地聲如雷

須溪精選陸放翁詩集卷之三

後集

須溪精選陸放翁詩集卷之四

後集

古詩

西郊尋梅

西郊梅花矜絕艷走馬獨來看不厭似羞流俗蒙市  
塵寧隨荒寒傍前店翛然自是世外人過去生中羞  
一念淺顰常鄙桃李學獨立不容鷺蝶覘山磬水仙  
晚角出大似春秋吳越僭餘花豈無好顏色病在一  
俗無由破朱闌王砌渠有命斷橋流水君何欠十四  
字吊慰兩盡嗟予相與頗同調身客劍南家在剡淒  
涼萬里歸無日蕭颯二毛衰有漸尚能作意晚相從  
爛熳不辭盃漱艷

綿州錄參軍廳觀楚公畫鷹少陵爲作詩者  
我來訪古涪之濱不詳百用異一真磊落顛倒走馬  
朝尋海樓館斫鱸夜醉魴魚津越王樓高亦已換俯  
仰今古堪悲辛督郵官舍最早陋棟撓楹腐知幾春  
蕪然此壁獨無恙老槎勁翮完如新向來劫火何日  
免叱呵守護疑有神妖狐九尾穴中國共置不問如  
越秦大時此物合致用下鞞指呼端在人會當原野  
洒毛血坐令萬里清煙塵老眼還憂不及見詩成肝  
膽空輪困正是作者

山南行

我行山南已三日如繩大路東西出平川沃野望不

盡麥隴青々桑鬱々地近函秦氣俗豪秋千蹴踘分  
朋曹首着連雲馬蹄疾楊柳夾道車聲高古來歷々  
興亡處舉目山河尚如故將軍壇上冷雲低丞相祠  
前春日暮國家四紀失中原師出江淮未易吞會看  
金鼓從天下却用關中作本根起結次第皆稱

龍掛

成都六月天大風發屋動地聲勢雄黑雲崔嵬行風  
中凜如鬼神塞虛空霹靂迸火射地紅上帝有命起  
伏龍々尾不卷曳天東壯哉雨點車軸同山摧水溢  
路不通連根拔出千丈松未言爲人作年豐偉觀一  
洗芥帶曾

羅翹峽江小酌

爐煙淡將散江雨吹欲無  
回風吹衣襟晴光滿菰蒲  
隱几樂此時清和如夏初  
犬吠船丁歸小市得美蔬  
歡言酌清醪侑以案上書  
雖云泊江渚何異歸林庐

雙清堂夜賦

陸子病少間獨臥溪上堂  
入靜魚自躍風定荷更香  
素月行中天流螢失孤光  
歸鳥飛有聲度此十里塘  
嗟我獨何事遲暮客異鄉  
大息搔短髮起視夜未央

風月

老來苦無伴風月獨見知  
未嘗費招呼到處相娛嬉  
披襟萬里快弄影三更奇  
淋漓蜀苑酒散落江樓詩

狂歌撼山川醉墨飛蛟螭  
聊將調俗子更遣半生癡

游東都趙氏園

清晨呼馬出馭吏請所之  
錦城浩如海我亦無與期  
有花即入門莫問主人誰  
下馬據胡床傲倪忘訶譏  
人言白頭翁胡為尚兒癡  
老翁故不癡借花發吾詩  
詩句帶花香東風不敢吹  
徘徊双胡蝶許可鼻端知  
能言能賦無復此老

對酒

閑愁如飛雪入酒即消融  
好花如故人一笑盃自空  
流鶯有情亦念我柳邊盡日啼  
東風長安不到十四  
載酒徒往之成衰翁  
九環寶帶光照地不如留君双

頰紅

郊飲村酒大醉

丈夫無苟求君子有素守不能垂竹帛正可死龍臥  
邯鄲枕中夢要是夢所有持枕與農夫亦作此夢否  
今朝探村下取醉村市酒未敢羞空囊爛熯詩千首  
寒夜遣懷

臨觴本不飲憂多自成醉四方行萬里不見埋愁地  
憶昔入京都寶馬搖香鬃酣飲清樓夜歌聲在半空  
去日不可挽華髮忽垂頰蛾眉月相對作淒冷  
月落照空床不寐聽寒蟬早知憂隨人何用去故鄉

長門怨

寒風淒淒有聲寒日慘無輝空房不敢恨但懷歲暮悲  
今年選後宮連娟千蛾眉早知獲譴速悔不承恩遲  
聲雷徹九天渙當達九泉死猶復見思生當長棄捐  
盡用陳語而各有態

月夕

我昔隱天台夜半游勾曲弄月過垂虹萬頃一片玉  
煙艇起菱唱松風吹釣絲更欲小徙倚恐失初平期  
今年游青城三十六峯巒白雲反在下使我毛骨寒  
天如玻璃盆倒懸濕銀海素壁行其間草木盡光彩  
姮娥顧我笑手撫玉兔兒莫怪世入生白髮秋風桂  
老欲無枝

次韻何元立贈行

嘉榮東西州此別不爲遠徘徊凌雲寺決去未遽忍  
登高望故人煙樹參差見懸知今夕夢不隔空城鍵  
平生相從意百年有未蒲結巢青城雲期子在歲晚  
醉中懷眉山舊游

勁酒少和氣哀歌無歡情故鄉不敢思登高望錦城  
錦城那得去彷彿墓頭路遙知樽前入指我題詩處  
我雖流落夜卽天遇酒能狂似少年想見東郊携手  
日海棠如雪柳如綿

南軒

今年秋早涼七月已蕭然南軒脩竹下枕筆終日眠

時將半殘夢聽此欲斷蟬推枕起太息四序忽已遷  
功名墮渺莽哀疾方連綿新月獨多情窺牕淡娟々

舟中聞姑惡

女生藏深閨未嘗窺墻藩上車移所天父母爲他門  
妾身雖甚愚亦知君姑尊下床頭雞鳴梳髻着襦裙  
堂上奉洒掃厨中饋盤飧青々摘葵莧恨不羨熊蹯  
姑色少不怡衣袂濕淚痕所冀妾生男庶幾姑弄孫  
此意竟蹉跎薄命來謔言放棄不敢怨所悲孤大恩  
古路傍陂澤微雨鬼火昏君聽姑惡聲無乃遣婦魂

歲暮

離々井上桐葉々墻下桑零落豈不悲無柰中夜霜

蟋蟀更可念歲暮依客床客亦自孤寂衣篝歇殘香  
一燈掛西壁耿耿青無光援筆欲寫愁三喟不成章  
五鼓自簇橋入府

曉月有餘光秋樹無濃影野煙浩無際陂路行愈求  
堰聲何澎湃露氣正淒冷忽然客愁破更覺詩律整  
昔人千載意忙裏一笑領山林豈難歸吾計自不猛

古意

紕足飼飢鷹飽意未平伏櫪豈不安老驥終悲鳴  
士生固欲達又懼徒富貴素願有未伸五鼎淡無味  
茆屋秋雨漏稻陂春水深長歌傾濁酒舉世不知心  
須溪精選陸放翁詩集卷之四 後集

須溪精選陸放翁詩集卷之五

後集

古詩

衡門感舊

蒼煙屯不散疋素橫郊原雨細不成水看水始見痕  
躊躇意自佳未遽掩衡門一一送歸鴉楓林猶未昏  
念昔壽州歸紹興初紀元闔門過百口一身今獨存  
不死實有命送老三家村躬耕幸得食萬事不足論

種桑

孔明百畝桑景畧十具牛豈無子孫念飽暖自可休  
種桑吾廬西微徑出南陌三月桑暗園四月甚可摘  
戴勝枝上鳴倉庚葉間飛飛鳴各自得人主胡不歸



歸家力農桑慎莫怨貧賤婚嫁就比隣死生長相見  
離家示妻子

明日當北征竟夕起復眠悲蟲號我傍青燈照我前  
婦憂衣裳薄紉線重敷綿兒爲檢藥籠挂薑手炮煎  
塚塚默可數一念已酸然使憂能傷人我得復長年  
同生天壤間人誰無一壘傷哉獨何辜皇之長可憐  
破屋不得住風雨走道邊呼天得聞否賦與何其偏  
夏夜

落月不滿窻驚鷓屣移樹沉憂少睡眠亦以衰疾故  
五更忽作夢立馬青衣渡白首厭山村郵亭憶征步  
月夕

開戶滿庭雪徐看知月明微風入鼓竹復作雪來聲  
俗塵不待掃凜然肺肝清林深無漏鼓鶴唳報三更  
夜聞櫓聲

咿啞雙櫓聲凄切遊子情豈無一杯酒孤舟誰與傾  
清愁不可耐霜月照潮平

對酒

新酥搗兒黃珍橘金彈香天公憐寂寞勞我以一觴  
胷中萬卷書老不施豪芒持酒一澆之與汝俱深藏  
生當老窮巷死埋南山岡古來共如此已矣庸何傷  
夜讀兵書

孤燈耿霜夕窮山讀兵書平生萬里心執戈王前驅

戰士死所有耻復守妻孥成功亦邂逅逆料政自疎  
世名言  
破澤疏飢鴻歲月多貧儒歎息鏡中面安得  
長膚腴

朱子雲園中觀花

我鬢忽已白君顏非復朱花前一杯酒不樂復何如  
暮看枝上花已覺不如早富貴當及時吾輩柰何老  
我欲君起舞竟日爲君留安知花無情不解替人愁  
長安二三月花滿上林中祝君早得意歸轡聽玲瓏  
酒無獨飲理

酒無獨飲理常恨欠徒客忽得我輩人豈計晨與夕  
少平事虛名歲月駒過隙自從老大來一日亦可惜

糟丘未易辦小計且千石頽然置萬事天地爲幞席  
人生如刀礪磨盡要有日不須荷錘隨况問幾緡屐

青山白雲歌

青山白雲翁放浪酒中死埋骨長松根夜々聽溪水  
松老會作薪骨朽會作塵但留千載狂名在知我他  
年自有入

聞婆餅焦

黃泥嶺松森々幽鳥穿枝時一吟汝聲一何悲汝語  
惻我心連村麥熟餅餌香我母九泉那得嘗

七言八句

陽發夷陵

雷動江邊鼓吹雄百灘過盡失途窮山平水遠蒼茫  
外北闊天開指顧中俊鶻橫飛遙掠岸大魚騰出欲  
凌空今朝喜氣君知否三丈黃旗舞便風隄出峽氣

春殘

石鏡山前送落暉春殘回首倍依依時平壯士無功  
老鄉遠征人有夢歸首宿苗侵官道合無菁花入麥  
畦稀倦游自笑摧頽甚誰記飛鷹醉打圍

登于城新樓適至西園池亭

狂夫無計柰狂何何况登臨逸興多千疊雪山連滴  
博一更春水入摩訶諱壓西州吟餘騎省霜侵鬢釣  
罷玄冥雨蒲簑逐虜榆關期尚遠不妨隨處得婆娑

感秋

西風急杵搗征衣客子關情正此時萬事從今聊復  
尔百年強半欲何之畫堂蟋蟀怨清夜金井梧桐辞  
故枝一枕淒涼眠不得呼燈起作感秋詩中四句最

早起至江原

喔々鳴雞促曉程翻々飛鷺導孤征節旄盡落歸猶  
遠帶眼頻移瘦自驚小市蕭條黃葉滿斷橋零落綠  
苔生居人猶復多愁思何况天涯倦客情

絕勝亭

蜀漢羈蹤歲月侵京華幸隔少水音登臨忽據三江  
會飛動從來萬里心翺翹地勝頓驚詩律壯氣增不

怕酒杯深一翠一劍白雲外揮手家山何處尋

謂凌雲大像

出郭幽尋一笑新徑呼艇子載煙津不辭疾步登高閣却欲今生識偉人不可泉掃止涵螺髻綠浪花不犯寶趺塵如知神力無窮盡文六黃金果小身

得梅一枝戲成

高標已壓萬花群尚恐嬌春氣日存月兔搗霜供換骨湘娥鼓瑟為招魂孤城小驛初飛雪斷角殘鍾半掩門梅詩是盡意端相終有恨夜寒斂玉倩誰溫

宿杜氏莊晨起遇雨

恠藤十圍蔽白日老木千尺干三月霄水泛曼灘竹作

舫陸行跨空繩繫橋陰古木精靈語慘江雲蛟鱗驕前四句須是此兩句方險吾道非邪行至此諸公正散紫宸朝

西樓夕望

夜郎城裏歎途窮賴有西樓看此翁溪鳥孤飛寒靄外野人參語夕陽中蒼天可恃何曾老白髮綠愁却未公俗態千年看爛熟不如留眼送飛鴻

上元

細々香塵暗六街魚鱗淺碧暮雲開新粧褰幙全身見誤馬隨車一笑回酒釀頓忘風力峭夜長猶恨漏聲催京華舊侶彫零盡短鬢成絲心未灰

吳體寄張季良

九月十月天雨霜江南劔南途路長平生故人阻携  
手萬里一書空斷腸人生強健已難恃世事變遷那  
可常兩家子孫各長大他年窮達毋相忘

醉中登避俗臺

半醉行歌上古臺脫巾散髮謝氛埃但知禮豈爲我  
設莫問客從何處來剡曲煙波菱蔓滑耶溪風露藕  
花開老來世事渾成懶一棹幽尋未擬回

自述

勃落爲衣隱翠蘿掃空塵抱長天和過期未死更強  
健與世不諧猶嘯歌野市蕭條殘葉滿酒家零落

壚多石帆山下孤舟雨借問君如此老何

雨夜

斷岸輕煙著柳條孤村小雨夜蕭蕭荒雞隔浦聲相  
續短燭無風焰自搖朴學無如糜歲月殘生竟是老  
漁樵最憐鬢畔千莖雪日夕春風吹不消

秋雨

一秋風雨蔽白日積水鬼神愁太陰寒蟬悲鳴草根  
濕水鳥暝叫菰葑深殘年不覓日月逝病骨惟愁霜  
露侵常有淖糜供旦暮一毫寧復少年心

舟中曉賦

木落霜清水鳥呼扁舟夜泊古城隅吹殘畫角鍾初

動低盡寒空斗欲無浪迹已同鷗境界遠遊方羨鴈  
程途高檣健席從今始遍歷三江與五湖

寄子虛子遵

六兒再渡吳門秋小兒錢塘踰月留恨身不能插兩  
翅與汝相守寬百憂聞鍾時宿雲外寺待月亦上湖  
邊樓但常保此豈不樂路難修之非善謀

須溪精選陸放翁詩集卷之五

后集

須溪精選陸放翁詩集卷之六

後集

七言八句

恩除祕書監

群仙鶴駕去難追白首重來不自知才藝荒唐屢獨  
絕功名蹭蹬老如期海邊鄭叟窮耽酒吳下韋郎晚  
學詩扶上木天君莫笑衰殘不似壯遊時

醉中夜自村市歸

村市夜騎黃犢還却登小閣倚闌干銀河斜界曉天  
碧壁月下入秋江寒吾輩身閑且飲酒人生事定須  
闔帷元自宵中着雲夢莫驚綠鬢奈悲歡

病起

山村病起帽圍寬春盡江南尚薄寒志士淒涼閑處  
老名花零落雨中看斷香漠漠便支枕芳草離離獨  
倚闌收拾吟牋停酒梳年來觸事動憂端

臨安雨晴

世味年來薄似紗誰令騎馬客京華小樓一夜聽春  
雨深巷明朝賣杏花矮紙斜行閑作草晴牕細乳戲  
分茶素衣莫起風塵歎猶及清明可到家

初寒

船尾寒風不滿旗江邊結禱常掩扉行人畏虎少晨  
出舟子捕魚多夜歸茅華翻翻帶宿雨蘆花漠漠弄  
斜暉傷心到處聞砧杵九月今年未授衣

馬上

燈前薄飯陳盞盡帶睡強出行江堤五更落月移樹  
影十月清霜侵馬蹄荒陂噦噦已度鴈小市啞啞初  
鳴雞可憐萬里覓歸夢未到故人先自迷語有氣

黃州

局促常悲類楚囚遷流還嘆學齊優江聲不盡英雄  
恨天地無私草木秋萬里羈愁添白髮一帆寒日過  
黃州好君看赤壁終陳迹生子何須萬戶侯

哀郢

荊州十月早梅春徂歲真同下坂輪天地何心窮壯  
士江湖從古着羈臣淋漓痛飲長亭暮慷慨悲歌白

髮新欲弔章臺無處問廢城霜露濕荆榛

水亭有懷

漁舟把酒對丹楓水驛憑軒送去鴻來得是道路半  
年行不到江山萬里看無窮故人草認九天上老子  
題詩三峽中上句太淺不尔又不得笑語毛錐可無  
恨書生處之與卿同

江上

江上霜寒透客衣閑牕羸卧不支持羈孤形影真相  
弔衰颯頭顱已可知自在潦縮穩經行雨峽竹踈賸  
見掛猿枝清尊可醉須勤醉莫望功名老大時

聞猿

瘦盡腰圍不爲詩良辰流落自成悲也知客裏偏多  
感誰料天涯有所思漢塞角殘人不寐渭城歌罷客  
將離故應未抵聞猿恨况是巫山廟裏時

南鄭馬上

南鄭春殘信馬行通都氣象尚崢嶸迷空游絮憑陵  
去曳綫飛鳶跋扈鳴落日浙雲唐闕窳淡煙芳草漢  
壇平猶嫌未豁胸中氣目斷南山天際橫

夜抵葭萌惠照寺寓榻小閣

亭驛驅馳髀肉消故山歸夢愈迢迢夜行觸尉那能  
避旦過逢僧不放招雨後風雲猶慘淡霜前草木已  
蕭條衰遲事之非前日醉裏題詩亦自聊篇之自道



歸次漢中境上

雲棧屏山閱月游馬蹄初喜踏梁州地連秦雍川原  
壯水下荆揚日夜流遺虜孱孱寧遠畧孤臣耿々獨  
私憂良時恐作他時恨大散關頭又一秋

赴成都泛舟自三泉至益昌謀以明年下三峽  
詩酒清狂二十年又摩病眼看西川心如老驥長千  
里身似春蚕已再眠暮雪烏奴停醉帽秋風白帝放  
歸船飄零自是閑天命却被人呼作地仙

七月一日夜坐舍北水涯

兀傲胡床酒半醒釣筒收盡數舟橫風生細葛無三  
伏月上疎林正四更北斗離々低欲盡明河脉々去

無聲斥仙豈復塵中戀便擬騎鯨返玉京

新秋感事

江上清秋昨夜回漁扉正對荻洲開志存天下食不  
足節慕古人謔愈來風際紙鳶那解久祭餘芻狗會  
堪哀蕭然散髮聽秋雨刺領新涼入酒盃

風雨中過龍洞閣

飄然醉袖怒人扶箇裏何曾有畏塗寫得如此健卷  
地黑風吹慘淡半天朱閣挿虛無闌邊歸鶴如爭捷  
雲表飛仙定可呼語壯莫怪衰翁心膽壯此身元是  
一枯株

獨游城西諸僧舍

我是天公度外人  
看山看水自由身  
巖岩頂上飛雙  
履雲洞前頭岸  
幅巾萬里欲呼牛  
渚月一生不受庾  
公塵非無好客  
堪招喚獨往飄  
然覺更真

過野人家

縱戀江皋送夕  
揮誰家井臼映  
荆扉隔籬犬吠  
窺人過滿箔蚕  
飢待葉歸世態  
千年看爛熟家  
山萬里夢依稀  
躬耕本是英雄  
事老死南陽未  
必非

晚興

老病愁趨畫戟  
門天教高臥浣  
花村山林獨往  
雜屠釣世界皆  
空誰怨恩千卷  
蠹書忘歲月一  
樽濁酒信乾坤  
興來倚杖清江  
上斷角殘鍾正  
歛昏皆隨  
及本  
色

芳華樓夜飲

射虎將軍老不  
候尚能豪縱醉  
江樓笙歌雜沓  
娛清夜風露高  
寒接素秋少日  
壯心輕玉塞暮  
年幽夢墮滄洲  
人間清絕沅湘  
路常笑靈均如  
許愁

秋思

大面峯前秋笛  
清細腰宮畔暮  
灘平吳檣楚拖  
勒歸思隴月巴  
雲空復情萬里  
風塵舊朝士百  
年鉛槧老書生  
繫轡  
張三  
鈿揚  
軒雲水村漁市  
從今始安得區  
區海內名

月下

黃鸝飛鳴未免  
飢此身自笑欲  
何之閉門種菜  
英雄

老彈鉞思魚富貴蓬生擬入山  
隨李廣死當穿冢近  
要離一樽強醉南樓月  
感慨長吟恐過悲

書懷

愁向東華踏軟紅  
西華風月不如暫歸舊隱樂無窮  
石池洗藥娟娟水  
漁艇投竿孺孺風  
盡日醉醒羨唱  
裏鄰家來往竹陰中  
何須列戟長安第四望  
雲山擁此翁

舜廟懷古

雲斷蒼梧竟不歸  
江邊古廟鎖朱扉  
山川不爲興亡改  
風月應憐憾慨非  
孤枕有時鶯喚夢  
斜風無賴客添衣  
千年回首消磨盡  
輸與漁舟送落暉

后集卷六

書